

阜平縣志

二

卷二

地理志二

沿革

古蹟

建築

地理志二

沿革

考今之牟平，即漢之東牟，與漢縣牟平在今福山境內者，名同實異，春秋時齊遷牟子國，係遷於漢牟平縣，非今縣地。又晉時泰山郡有東牟縣，在今萊蕪縣境內，與漢縣東牟在今縣境內者，亦名同實異。至劉宋後魏之牟平，縣境擴大，今縣不過包括在內，實不足以盡之。高齊周隋之牟平，又縮小如漢縣，縣治移今蓬萊境內，今縣當時爲文登縣地，與牟平無干。唐以後之牟平，始爲今縣所在地，五代宋金元皆

牟平縣志

卷一 地理志

沿革

一

濟南山東印刷局承印
濟南山東印刷局承印

因之，明清雖改爲寧海州，而縣治至今不變。州志多誤，茲悉參考更正，其所不知，仍付闕如，以俟博雅君子！

春秋牟子國地。

齊乘云：「牟平古牟子國祝融後。」山東通志登州府志（均據清光緒年間新志。）並以寧海州爲春秋牟牟子國地。

按春秋以牟名國者有二：桓公十五年「牟人來朝。」注云：「今泰山牟縣。」萊蕪縣志云：「牟城在縣東二十里，春秋時牟國。」又宣公九年「取根牟。」注云：「根牟東夷國也。」寰宇記云：「根牟國即密之安邱，隋之牟山縣。」青州府志云：「安邱縣西南十五里爲牟山。」此二國古地，皆不在今縣境內

。續山東考古錄云：「福山周牟國，齊遷牟國於此。」又云：「牟平縣故城，在西北三十里，今古縣社。」（俗作古現）福山縣志則謂：「在縣西北二十五里，今牟城社。」寰宇記以牟平古城爲在蓬萊縣東南九十里，據今蓬福兩縣治相距百四十里測之，相差無幾，其爲漢牟平無疑。是牟國遷地，亦不在今縣境內。

今縣係漢之東牟，漢縣、東牟以西爲腫，腫以西爲牟平，牟平既爲牟國遷地，則東牟即牟東也。春秋齊人遷牟，約在滅萊以後，牟當播遷之餘，寄居大國，不過等於屬邑，何敢與齊爭地，然既有牟國之名，牟以東又別無他國限制，即

牟平縣志

卷一 地理志

沿革

一一

濟南山東印刷局承印
濟南山東印刷局承印

統指爲牟子國地，亦無不可。蓋登州古爲嶠夷地，周時爲天子閒田，東遷後遂屬於齊，齊未設城邑，後乃遷牟於此，志地理者，舉國爲標，由牟以東，即統以牟國視之；故以東牟名郡，以東牟名縣，歷代沿用已久，今縣當然在範圍內耳。

戰國齊東境。

戰國時田和遷齊康公於海上，姜氏不祀，牟亦爲墟，東迄海隅，全屬齊境。

秦齊郡腫縣地。

史記始皇二十八年「並渤海以東過黃腫。」又主父偃傳：「秦使天下蜚芻輓粟，起於黃腫琅琊負海之郡。」十三州志云：

「牟平縣故腫縣也。」又元和志云：「腫即今文登縣。」蓋自今黃縣蓬萊以東，直抵海濱，皆秦腫縣地，其範圍實跨有今福山棲霞牟平海陽文登萊城等縣，非若漢之腫縣，止有今福山棲霞縣境已也。

漢青州東萊郡東牟縣。南境爲育犁縣；西南境爲膠東觀陽縣地。

漢初於腫縣以東，置東牟縣，（即今縣治。）高后六年，封齊悼惠王子劉興居爲東牟侯，文帝二年，升爲濟北王，國除。育犁城在今縣西南，距城一百二十里，明一統志謂在寧海州東南者誤。觀陽在今縣西南之舊青山鄉，清初由萊陽割屬，即古觀陽縣之北境也。

牟平縣志

卷一 地理志

沿革

三

濟南山東印刷局承印
濟南山東印刷局承印

後漢青州東萊郡東牟縣。西南境爲北海國觀陽縣地。

後漢郡國志東萊郡十三城，無育犁，蓋省併入東牟。又東牟注云：「侯國。」何時國除，失考。觀陽則改屬北海國，城治仍舊。

魏青州長廣郡東牟縣。

補三國疆域志云：「長廣郡魏分東萊北海置。何夔傳遷長廣太守，下言郡縣六：有長廣牟平東牟昌陽，其二縣當即不其挺。」

晉青州東萊國牟平縣，或東牟郡東牟縣。

晉地理志兗州泰山郡東牟縣注云：「故牟國。」續山東考古

錄云：「杜注牟國今泰山牟縣，是晉牟縣並未改名東牟也。（因杜預晉人，如果晉改牟爲東牟，注當云今泰山東牟縣。）宋魏志皆無晉改東牟之說。况牟國本在此，齊遷之今福山寧海州地，遂稱東牟，無改牟爲東牟之理。」據此則東牟二字疑有誤，即使不誤，而泰山郡之東牟，亦與兩漢之東牟無涉。州志不察，以晉泰山郡東牟列入沿革表。大謬。

晉地理志東萊國統縣六：掖當利盧鄉曲城黃愷，長廣郡統縣三：不其長廣挺，均無東牟牟平。後魏地形志牟平注云：「兩漢屬東萊，晉罷，後復。」寰宇記云：「牟平晉屬東萊國。」山東通志登州府志於寧海州並云：「晉省東牟入牟平。」據此則今

牟平縣志

卷一 地理志

沿革

四

濟南山東印刷局承印
濟南山東印刷局承印

縣當爲晉青州東萊國牟平縣地。

東晉疆域志云：「東牟郡晉置，兩漢皆爲縣，屬東萊郡，晉志無，今考晉懷帝永嘉元年，有東牟太守龐伉，則郡屬西晉末所置也。縣可考者一，曰東牟，漢舊縣。」續山東考古錄云：「寧海州漢東牟縣，後漢因之，魏屬長廣郡，晉初省，後置東牟郡。」一統志東牟故城注云：「晉懷帝永嘉元年，有東牟太守龐伉，魏書張幸傳『爲慕容超東牟太守。』東牟有郡，當自晉始，有郡不應無縣」。又云：「晉書扶風王駿，咸熙初徙封東牟侯，似晉初縣未省，但晉縣屬泰山郡者，亦稱東牟，未敢據。」據此則今縣似又當爲晉東牟郡東牟縣。

按晉既有東牟太守，當然有東牟郡，但郡治何所？領何縣？殊無明証。續山東考古錄雖以「劉宋無東牟縣，未敢據置東牟郡，斷晉復置東牟縣。」然亦未敢斷晉必不置東牟縣也。至府志謂「晉廢東牟入牟平，屬東萊國。」是必晉無東牟郡，然後可；如果有東牟郡，則牟平以東，既無他縣可領，牟平以西，又全屬東萊所有，東萊以外，即係長廣郡屬，將置東牟郡於何地耶？考東牟郡之名，始見魏地形志，郡治黃縣中郎城，領牟平黃愾觀陽四縣。唐宋亦各設東牟郡治於蓬萊，領蓬萊牟平文登黃四縣。前後轄境，雖少有出入，大抵由今黃縣蓬萊以東，盡海而止。晉之東牟郡，當係析割東萊所置

牟平縣志

卷一 地理志

沿革

五

濟南山東印刷局承印
濟南山東印刷局承印

，郡治與領縣，雖不可考，然以後魏唐宋郡境推之，亦可想見概略。今縣在當日，無論爲東牟，或省入牟平，其爲東牟郡屬縣無疑。惟晉志及劉宋州郡志，皆未列有東牟郡，未敢武斷，姑闕之以俟考。

劉宋青州東萊郡牟平縣地。

晉時是否東牟牟平二縣並設？尚屬疑問，至劉宋則牟平以東，地盡海隅，無他縣。

後魏光州東牟郡牟平縣地。西南境兼有觀陽縣地。

寰宇記云：「魏武定元年、分東萊郡，於黃縣東一百步中郎城置東牟郡。」魏地形志牟平注云：「二漢屬東萊，晉罷後復

。有之罘山成山牟城東牟城劉寵墓風山。」又觀陽注：「前漢屬膠東，後漢屬北海，後罷，興和中復屬。有淳于城觀陽城昌城馬竇山牛耳山。」

按之罘山牟城在今福山縣境，成山在今榮成縣境，東牟城劉寵墓風山及觀陽城俱在今牟平縣境。蓋自劉宋以來，牟平轄境甚大，後魏因之，實跨有今福山棲霞牟平文登榮成各縣之地，惟縣治仍舊。

高齊光州長廣郡文登縣地。周因之。

寰宇記云：「高齊天保七年、廢東牟郡，自今昌陽縣東五十三里長廣故城，移長廣郡、治中郎城。」又云：「高齊後主天

牟平縣志

卷一 地理志

沿革

六

濟南山東印刷局承印
濟南山東印刷局承印

統四年、分牟平置文登，屬長廣郡。」續山東考古錄於文登云：

「天統四年、析牟平觀陽地置。周因之。」

按高齊天保七年、移牟平縣治於今黃縣東北七十三里馬嶺山南，（在今蓬萊縣東南六十里。）當時縣城雖移，縣境仍後魏之舊；自天統析置文登之後，由今福山以東，直抵海隅，全屬文登，而牟平轄境遂縮小。

隋青州東萊郡文登縣地。

東萊郡治掖，舊置光州，開皇五年、改曰萊州，十六年、又於觀陽分置牟州，大業三年、州廢，仍置東萊郡。（元和志寰宇記均謂開皇三年改長廣郡爲牟州，考隋志黃縣下，但稱廢

長廣郡，不云置牟州，於觀陽下注云：「後周廢，開皇十六年復，又分置牟州，大業初州廢。」從隋志爲是。）

隋地理志文登注云：「後齊置。有石橋文登山斥山之衆山。」又牟平注云：「有牟山龍山金山九目山。」

按石橋文登山在今文登縣境，斥山在今榮成縣境，之衆山在今福山縣境。是文登在當日，跨有今牟平文登榮成三縣全境，西界並佔福山一部分。至當日牟平界內之牟山，在今福山縣境，金山在今棲霞縣境，龍山九目山俱在今蓬萊縣境，與今縣無干。張鍾峯誤以龍山牟山金山爲在今縣境內，是忘今縣即隋之文登地，而隋時牟平，尚在今蓬萊福山棲霞各

牟平縣志

卷一 地理志

沿革

七

濟南山東印刷局承印
濟南山東印刷局承印

縣境內也。

唐河南道登州東牟郡牟平縣。五代因之。

唐地理志以登州東牟郡並列，治蓬萊。寰宇記於登州云：「唐武德四年、置牟州，後因文登縣人不從賊黨，遂於縣治置登州。貞觀元年、牟州及牟平縣登州俱廢，麟德二年、析文登縣，於東牟故城置牟平縣，如意元年、又於牟平縣置登州，領文登牟平黃三縣，神龍三年、自牟平徙登州於蓬萊鎮南一里，析黃縣，置蓬萊縣於州治，天寶元年、爲東牟郡，乾元元年、復爲登州。」

按唐武德四年、置牟州，治黃縣中郎城，領牟平黃二縣

，又於文登置登州，領觀陽一縣，六年、以觀陽隸萊州，而析置清陽（今福山縣地。）（廓定（今海陽縣地。）二縣屬登州。貞觀元年、牟登二州、及清陽觀陽廓定三縣俱廢，牟平亦廢。（此牟平即漢舊縣、高齊移馬嶺山南者。）至麟德二年、重置牟平，（即東牟縣舊址。）歷五代宋元明清至今，縣治不變。宋京東東路登州東牟郡牟平縣。

宋地理志以登州東牟郡並列，與唐志同。又牟平注云：「有乳山閻家口二砦。」
按乳山口在今海陽縣東境，宋時為牟平縣地。

金山東東路寧海州牟平縣。

牟平縣志

卷一 地理志

沿革

八

濟南山東印刷局承印
濟南山東印刷局承印

金地理志寧海州下云：「本寧海軍，大定二十二年、升為州，領縣二：牟^平文登。」又牟平注云：「有東牟山之果山清陽水。」

按東牟山在今縣境內，之果山清陽水均在今福山境內。蓋金未置福山縣以前，牟平西境，實兼有今福山縣地。齊乘云：「僞齊阜昌二年、以兩水鎮置福山縣。」則大定以後，之果山清陽水皆屬福山不屬牟平矣。此金史沿舊志而訛也。

元山東東西道寧海州牟平縣。

元地理志寧海州注云：「僞齊劉豫以登州之牟平文登二縣立寧海軍，金升為寧海州，元初隸益都路，至元九年、直隸省

部，領縣二：牟平文登。」

按唐以前以郡領縣而已，元則有路府州縣四等，大率以路領州領縣，而腹裏（元立中書省一，行中書省十一，中書省統山東東西河北之地，謂之腹裏，餘屬行中書省。）或以路領府領州、州領縣者，其府與州又有不隸省者。路寧海州即係不隸路而直隸省者。

明山東布政使司登州府寧海州。

明地理志云：「洪武元年、置山東行中書省，九年、改行中書省爲承宣布政使司。」又登州府注云：「元登州屬般陽路，洪武元年、屬萊州府，六年、直隸山東行省，九年五月、升

牟平縣志

卷一 地理志

沿革

九

濟南山東印刷局承印
濟南山東印刷局承印

爲府。」又寧海州注云：「元直隸山東東西道宣慰司，洪武初、以州治牟平縣省入，屬萊州府，九年、改屬。東有金水河，一名沁水，西南有五丈河，俱入北海，又西南有乳山寨。領縣一、文登。」山東通志云：「按寧海州初隸益都路，至元九年、直隸省部，非直隸山東東西道宣慰司也，明志誤。」

清山東布政使司登州府寧海州。

明以寧海州領文登縣，至清初改寧海爲散州，不領縣。

續山東考古錄云：「雍正十三年、裁衛所，並析西南鄉入海陽。」查明初設寧海衛於州城，外設威海成山靖海大嵩四衛。順治十六年、併寧海衛入州，其軍民戶賦，別立登寧社；雍

正十三年、併威海靖海二衛入文登縣，改成山衛爲榮成縣，改大嵩衛爲海陽縣，並割縣境乳山一鄉、及普濟興善社入海陽，而收萊陽青山一鄉入縣境。

中華民國山東省牟平縣。

民國元年、廢州爲縣，三年、因避浙江寧海縣重名，遂改稱牟平，蓋恢復漢縣舊名也。初屬膠東道，十四年、改爲東海道，縣仍屬，十七年、道廢，直隸山東省。（省即尚書省中書省之省，漢制總百官而治曰省。行省之制，始於金，盛於元，至明清改爲布政使司，本非行省，乃稱說口熟，人仍以行省呼之，今則直稱曰省。）

牟平縣志

卷一 地理志

沿革

十

濟南山東印刷局承印
濟南山東印刷局承印

沿革表

時	代	總	部	州	郡	國	府	州	縣
春秋	牟子國								
戰國	齊東境								
秦	齊郡								腫縣
漢	青州	東萊郡		東牟縣	南境爲育犁縣西南 兼有觀陽縣地				
後漢	青州	東萊郡		東牟縣	西南境兼有觀陽縣地				
魏	青州	長廣郡		東牟縣					
晉	青州	東萊國或東牟郡		牟平縣或東牟縣					

劉宋	青州	東萊郡	牟平縣地
後魏	光州	東牟郡	牟平縣地
齊周	光州	長廣郡	文登縣地
隋	青州	東萊郡 <small>初屬牟州後州廢屬東萊郡</small>	文登縣地
唐五代	河南道	登州東牟郡	牟平縣
宋	京東東路	登州東牟郡	牟平縣
金	山東東路	寧海州	牟平縣
元	山東東西道	寧海州	牟平縣
明	山東布政使司	登州府	寧海州
牟平縣志	卷一 地理志	沿革	十一
		沿革	濟南山東印刷局承印 濟南山東印刷局承印
清	山東布政使司	登州府	寧海州
中華民國	山東省	廢道 <small>初屬膠東道後為東海道十七年</small>	牟平縣

舊表列有唐虞三代二欄，其總部皆曰青州，查禹貢以冀兗青徐揚荊豫梁雍為九州，夏制也，爾雅以冀豫雍幽營揚兗荊徐為九州，商制也，職方以揚荊豫青兗雍冀幽并為九州，周制也。其說本郭璞。唐堯以上，有古九州，虞舜肇十有二州，夏禹復為九州，考其疆域，惟唐夏兩朝，今縣在青州界內，商則並無青州之名，周有青州，而今縣實隸幽州，彼此渺不相涉。是青州總部，本不通用於唐虞三代，而今縣在當時，亦無史蹟可紀，故刪去。

牟平縣沿革分圖

圖例

- 一 自掖縣以東舊登州十屬，俱在本圖範圍內，但必與本縣歷史有關者，始行填注，否則只列縣界與縣治，不及其他。
- 一 縣界以今縣為標，與鄰縣各劃界綫，至古縣則無憑劃界，只於各圖後說明欄中，粗述縣境範圍。
- 一 今縣治及今山水，各注黑字，古縣治及古山水，無論與今名異同，概注紅字，其他古蹟類推。
- 一 凡有關本縣歷史之州郡府縣各故城，雖不在本縣境內，亦皆用紅字及符號標明；惟城址失考，如秦漢之腫，唐之清

牟平縣志

卷一 地理志

沿革圖


一

濟南山東印刷局承印
濟南山東印刷局承印

陽，則只注紅字而不加符號。

- 一 古縣治古山水及其他古蹟，只限於初次發現時注明，以後概不重列。

一 本圖採用各符號列後

	山		水
	海岸綫		島嶼
	今縣界		州郡國府道治
	縣治		與故城同址之 州郡國府治
	古蹟		有關本縣歷史故城
	古蹟		寨所

二 圖 革 沿

漢東車育犁兩縣及觀陽之一部



漢東車侯國治今縣屬
 東萊郡有車台為東平
 侯列登有鎮官山為置
 官鎮治處
 裴宇記謂有碑在溟港
 水側應劭謂觀陽在觀
 水之陽皆在今縣境內
 (有碑屬東萊觀陽屬
 將東)
 西郡縣屬西為車平
 在平山之陽有康公城
 均在今福山境內

沿 革 圖 三

後漢東牟全縣及觀陽之一部



後漢廢有牟併入東牟
 陸縣亦廢西郡直按牟
 平
 姑餘山為麻姑修道處
 與劉寵墓均在今縣境
 內
 前漢東牟郡治掖後漢
 東牟郡治黃
 前漢觀陽屬膠東後漢
 觀陽屬北海

沿 革 圖 四

魏東車全縣及觀陽之一部



沿 革 圖 五

晉東車縣或平車屬境



沿 革 圖 六



沿 革 圖 七



八 圖 革 沿



沿 革 圖 九

隋文登屬境及州之第一部



沿 革 圖 十

唐初文登屬境



沿 革 圖 十 一

唐麟德二年之後平車



沿 革 圖 十 二

唐如元年之後平車



如元年於平車置登
州領平文登黃三縣
(武德四年曾在文登
置登州貞觀元年廢
此復置)縣境同前

沿 革 圖 十 三

唐神龍三年之後車平



四 十 圖 革 沿



五 十 圖 革 沿



沿 革 圖 十 六

明 寧 海 州



明初以寧海州治年平
 縣遷省入屬萊州府洪
 武九年屬登州府轄境
 與全元同領文登一縣
 寧海衛金山所清泉寨
 金水河(即沁水河)五
 丈河(今泗)俱見明志

沿 革 圖 十 八

民 初 之 平 車



古蹟

州志於古蹟一類，所列牟子國、腫城、東牟城、牟平城、康公城、清陽城等，往往自相矛盾，其誤點有三：（一）誤認漢之牟平與唐以後之牟平爲一，（二）誤認東牟縣與牟平縣爲一，（三）誤認東牟郡與東牟縣爲一，茲特逐加辨正，並擇地方名勝、與歷史有關者，一同彙列於左，以備考古之資。

（甲）城墟

牟子國 今縣非牟子受封原地，亦非牟子遷都之所，然與牟子國有關係者，或春秋時齊人遷牟，自牟以東，別無他國，稱地者指牟爲標，遂統呼牟、東爲牟子國，今縣在其範圍內耳。（詳沿

牟平縣志

卷一 地理志

古蹟
古蹟

十二

濟南山東印刷局承印
濟南山東印刷局承印

革）

按顧炎武山東考古錄，所稱春秋以牟名國與地者有三：

一爲桓公十五年「牟人來朝」之牟，即古牟國，其地在今萊蕪縣境內；一爲宣公九年「取根牟」之牟，根牟、東夷國，其地在今安邱縣境內；一爲隱公四年「莒人伐杞，取牟、婁」之牟，牟、婁地，在今諸城縣境內；均與今縣無涉。

又焦志云：「周封牟子於齊，在今壽光境內，齊人忌其近於臨淄，逼牟子於牟平，以其在牟山平原爲名者也，」其說本於通志。查方輿紀要於寧海州下，曾引通志之說，而斷其爲「未可據。」至牟平係漢縣名，元和志以爲「在牟山之陽

，其地夷坦，故曰牟平。「是牟平得名自漢始，齊人遷牟之時，未嘗稱牟平，所謂牟山，當在今福山境，與俗傳今縣城北七里之牟山無涉。

又州志云：「壽光境內，不見牟蹟，或者初封泰山郡，春秋見逼於齊，遂播遷於壽光歟？竊謂牟子或即路史所稱根牟耳，路史注云：『根牟東夷國。』乃知萊夷之東，復有牟夷，泰山郡爲魯地，蓋當宣公昭公之世，屢取根牟，故漸次播遷，終竄於東夷境而止焉，理或然歟？」查牟與根牟係國名，牟婁係地名，三牟本各分立，且根牟爲魯所取，牟子爲齊所逼，二國環境亦不同，州志牽合爲一，非是。

牟平縣志

卷一 地理志

古蹟
古蹟

十三

濟南山東印刷局承印
濟南山東印刷局承印

腫縣 秦漢腫縣，轄境不同，秦腫縣跨有今福山棲霞牟平海陽文登榮成等縣；漢腫縣止有今福山棲霞地；故今縣屬秦腫縣，而不屬漢腫縣。

寰宇記文登腫下云：「在今縣西七十里清陽水側近，與海畔之罍山相對。」齊乘腫城下云：「寧海州東三十里，秦漢負海縣，後併入牟平，唐初置清陽縣，後廢入文登，城對之罍山，臨清陽水，故名清陽城。清陽漢志作聲洋，丹水所出，東北入海。」續山東考古錄云：「按清陽水即漢志聲陽水，今清陽河，腫縣在其側，而與之罍山對，寰宇記所謂今縣，指牟平縣，（即今牟平，爲唐麟德三年所徙置者。）清陽水在其西七十里可証

。若文登西七十里，安有清陽水？且何能對之朶山耶？隋及唐初，腫城本文登地，而今縣云云，似新置牟平後地志之文，樂史仍沿舊志係之文登耳。齊乘以所謂今縣爲文登，文登至今寧海州百許里，除七十里得三十里，遂稱腫城在寧海州東三十里，亦思其地有清陽水之朶山否耶？」

按州志辨齊乘腫城之誤，亦謂：「之朶山聲洋水在福山境內，于欽既曰對之朶山臨清陽水，腫城自不當在文登。」與續山東考古錄合。

育犁城（犁俗作黎漢志作犁）在縣西南城陰村南。

寰宇記齊乘並云：「育犁漢縣，後漢省，併入牟平，在瀕

牟平縣志

卷一 地理志

古蹟
古蹟

十四

濟南山東印刷局承印
濟南山東印刷局承印

港水側，以其地良沃，故名育犁。」其故城寰宇記以爲「在今郡東南一百二十里。」（今郡指登州東牟郡言）齊乘以爲「在寧海州西八十里。」均距今福山縣治不遠，而福山縣志遂謂「縣東北五里宮家島後有舊城，土人呼爲營子，疑即此城。」惟明一統志以爲「在寧海州東南一百二十里。」（東南當作西南）

按漢既置腫縣於今福山縣治，不應僅去五里又置育犁縣，且福山亦無瀕港水，瀕港由縣境三海山東流，中間會谿澗諸水，隨地異名，玉林河其一也。玉林河側有城陰村玉林集，州志以育犁城爲「當在城陰鄉之城陰村南玉林集北，（北字恐誤）玉林或俗呼育犁之訛。」府志亦謂「此城當在寧海，今

之育犁集即其故址。「查城陰村距玉林集八里，命名之義，當係指居城後而言，其村南地名南碑子，掘地時有古物發現，且距城一百二十里，與明一統志道里正合，其爲育犁城故址無疑。

東牟城 今縣治。

元和志文登縣云：「東牟故城，在縣西北一百十里。」寰宇記齊乘並以東牟故城爲在文登縣西北十里。

按漢東牟縣即今縣治，唐麟德二年，析文登縣地，於東牟故城置牟平縣。元和志以爲「在文登西北一百十里。」與今縣距文登里數正屬相符，但元和時置牟平已久，志仍係之文

牟平縣志

卷一 地理志

古蹟
古蹟

十五

濟南山東印刷局承印
濟南山東印刷局承印

登本不合，寰宇記文登縣仍沿其舊，傳寫者脫去「一百」二字，齊乘遂據之，稱在文登十里耳。
採續山東考古錄

又州志根據元和志，以爲「文登去寧海一百十里，乃知古東牟城即今之寧海城。」所見甚是。乃忽又接云：「牟平之稱東牟，亦猶萊州之稱東萊也，既置東牟郡國以轄文登，而以牟平爲負郭邑。」是忘牟平東牟爲漢二縣，而誤認東牟縣爲東牟郡也。查漢東牟國所轄，只東牟一縣，未嘗轄文登，牟平別有封國，何能爲東牟負郭邑？唐如意元年，雖曾於牟平置登州，（亦稱東牟郡即今縣治）轄牟平黃文登三縣，而不久即徙治蓬萊，普通稱東牟郡者，指蓬萊不指牟平；惟

牟平土人、習稱城東之牟臺爲東牟郡，一方之言，未可爲地理上公稱也。

牟平城 牟平城有三：一爲漢之牟平，故城在今福山縣北三十里古縣社，（俗作古現）或謂在福山縣西北二十五里牟城社，即武帝元朔三年封齊孝王子濞爲牟平侯者也；一爲高齊之牟平，故城在今蓬萊縣東南六十里，即天保七年、移牟平縣治於黃縣東七十三里馬嶺山南者也；一爲唐以後之牟平，故城即今縣治，即麟德二年析文登縣地，於東牟故城置牟平，縣治至今不變者也。漢與高齊之牟平，與今縣無干，所謂牟平城，特唐以後之牟平耳。

牟平縣志

卷一 地理志

古蹟
古蹟

十六

濟南山東印刷局承印
濟南山東印刷局承印

按州志對於牟平城，誤認之點有四：所云「牟平東牟爲秦齊郡東境，漢置二縣，然東牟牟平剖符侯國，總不離乎今之寧海州境。」是明知牟平東牟非一縣，而必欲歸納一縣之中，既不詳牟平東牟之所以分，又不悉牟平東牟之所以合，其誤一；至其所引隋書魏書，任意增減原文，查魏志牟平下云：「有之罘山成山牟城東牟城劉寵墓風山。」而州志引魏書則云：「西有之罘山，東距成山，東牟郡城在焉。」隋志牟平下云：「有牟山龍山金山九目山。」而州志引隋書則云：「西有九目山，南有龍山，而牟城城北七里牟山在焉。」窺其於引書之外，必加東牟郡城與牟城城北等句，是認東牟郡城

與牟城爲即今縣城，並認魏隋時之牟平，爲即今牟平，其誤二；又云：「兩水鎮俱轄於東牟，迨乎北齊及唐，又徙置於黃縣之中郎城，又徙治於蓬萊。」查北魏武定元年、始分東萊郡，於黃縣東一百步中郎故城置東牟郡。高齊天保七年、廢東牟郡，移長廣郡治中郎城。唐神龍三年、徙登州於蓬萊鎮南一里，（即今蓬萊縣治）亦稱東牟郡。州志所引，全係東牟郡城沿革，與牟平何涉？其誤三；又引齊乘云：「故牟平城在登州東南九十里，漢縣，高齊天保七年、移置馬嶺山。」此乃唐以前之牟平，均不在今縣境內，而結論乃云：「城因牟山之平原以命名，則故牟平城之當在寧海境也近是。」

牟平縣志

卷一 地理志

古蹟
古蹟

十七

濟南山東印刷局承印
濟南山東印刷局承印

「移古就今，混同無別，其誤四。」

觀陽城 在今縣西南半城村。

觀陽漢縣，歷代廢置不常，唐後始不復置。故城所在，其說不一，府志以爲「在海陽縣西北九十里，遺址尚存，今名廢城。」萊陽縣志以爲「在縣東七十里觀山下，亦即廢城。」據此則觀陽城應在海陽縣廢城。

張鍾峯云：「青山鄉有觀水社，（觀去聲）以其地有觀水也。漢書膠東國有觀陽縣，應劭謂在觀水之陽，觀陽得名，以水不以山云云，今觀水社有半城，疑即其地，不宜以萊陽縣東七十里之廢城當之。」冷泮林登州沿革考云：「觀陽在今寧海州

西南百里，觀水之陽，其地今名半城。一據此則觀陽城應在今縣半城村。

按北魏地形志觀陽下云：「有淳于城觀陽城昌城。」是觀陽曾經徙治，北魏觀陽與漢觀陽本非一城，或觀陽本在半城，而北魏乃徙治於廢城歟？今就半城村形勢觀之，環週隱隱有城式，村人種田，時掘得古磚古錢，錢以莽刀爲多，或被土蝕結作一團，其爲古城無疑。又半城村屬觀陽鄉，由村南繞村西者，爲觀陽河，附近有觀水村，又有山名觀陽頂，聞其名義，知爲古觀陽無疑。據土人稱「隋朝築城甫半而國變，工程未完，故名半城。」查隋地理志觀陽下云：「後周廢

牟平縣志

卷一 地理志

古蹟
古蹟

十八

濟南山東印刷局承印
濟南山東印刷局承印

，開皇十六年復，又分置牟州，大業初州廢。一果如土人所稱，當係隋築牟州新城未就，或重修觀陽舊城而然，非觀陽至隋始築城也。

寧海衛 在縣城裏，明洪武初置，今廢。

金山所故城 在縣東北四十里，明洪武初置，今廢爲村。

清泉寨故城 在縣西北四十里，明洪武初置，今廢爲村。

附 康公城清陽城考

州志列有康公城，以爲「州東十里有村名莒城，其地坦夷可建城，或即此也。」查曹學佺輿地名勝志引城冢記云：「康公城在牟平東十里，即田和遷康公處，又二十里爲清陽

城。一所謂牟平即漢縣，所謂清陽城即今福山城。若以康公城爲在今縣東十里，則又二十里焉有清陽城耶？州志又列有清陽城，以爲「在今青山鄉古縣村。」其說根據冷泮林登州沿革考，與齊乘所謂「唐初置清陽縣，城對之罘山臨清陽水，故名清陽城。」不合。兩城似皆與今縣無干，故付闕如。

(乙) 寄迹

秦輦道 在縣東南崑崙之北。俗稱輦道山，相傳秦始皇東遊，修輦道於此，至今形迹宛然，東抵成山，二百里間、斷續相應。繫馬峯 寰宇記謂之繫馬山，亦稱繫馬砦，相傳爲始皇東遊繫馬處。州志以爲即今縣東北十里之繫山。

牟平縣志

卷一 地理志

古蹟
古蹟

十九

濟南山東印刷局承印
濟南山東印刷局承印

按寰宇記云：「在縣東四十里。」齊乘亦謂在峴山東，則非繫山可知。至謂始皇於此繫馬，至今草生猶作繫結狀，語出寰宇記，齊乘因之，州志又引之，一種神話，姑妄聽之而已。

牟臺 在縣東北三里。地勢高敞，便於登臨山海，州志以一牟臺秋望「列十景之一。相傳爲牟侯別墅，土人稱爲東牟郡。」

按東牟郡係登州全屬公稱，（唐宋地志，均係州郡並列，登州即稱登州東牟郡。）郡治久設於蓬萊，牟平何以亦稱東牟郡？查唐如意元年，曾在牟平設登州治，至神龍三年，始徙治蓬萊，或者牟平設郡治時稱東牟郡，徙治以後，仍相沿

不改，故指牟臺以爲紀念歟？或云「因東牟侯而言。」義亦近之，但東牟本係漢縣，何以得稱爲郡？殊屬疑問。

望海臺 在縣東十五里盧山。齊乘云：「盧山在州東二十里，與大峴山東牟山相連，北至海百里，上有望海臺。」查盧山北距海十里，百里當係十里之訛。

麻姑修道處 在大崑崙之北峯——始餘山。齊乘引仙經云：「麻姑於此修道上昇，餘址猶存，因名姑餘。」

劉寵故里 遺址失考。西關外大路北，有「漢會稽太守劉寵故里」碑。

范園 在縣南二里，金狀元范懌之花園，范嘗與馬丹陽高巨才等

牟平縣志

卷一 地理志

古蹟
古蹟

二十

濟南山東印刷局承印
濟南山東印刷局承印

，宴集其中。有歸山琴操碑，金大定二十三年丹陽馬鈺書；又有玄都宮碑，元憲宗八年高曄撰。園中有怡老亭，今圯。

馬丹陽故宅 在城裏。金大定初，王重陽來，丹陽延於家，即此，一名遇仙宮，亦名雙鶴府，今爲馬氏祠堂。古碑已蝕，爲人確毀，惟東壁古刻現存，係金范殿試懌所跋歸山操。

烟霞洞天 即崑崙之西北巖。幽邃深曲，林壑秀美，爲崑崙山中最佳處。金大定間、邱處機馬鈺譚處端劉處玄王處一郝大通孫不二師王重陽真人於此，（見元史邱處機傳）世所稱七真人也。

烟霞洞以外，有神清觀松風亭飛泉居及唐仙姑廟七真人墳各古蹟；又有長松嶺仙遊嶺連雲峯望海臺昇仙臺卧龍坪獅子石翠雲

屏等名勝。歷代詩文石刻，皆存神清觀中。

(丙) 古廟

東牟侯祠 在縣東北三里牟臺上。

州志稱：「牟臺上有東牟侯祠。」又引齊乘云：「峴山上有東牟侯祠。」張鍾峯力辨齊乘之誤，謂「峴山上並無東牟侯祠，祠實在牟臺上。」是祠址無論爲一爲二，其祀東牟侯劉興居無疑。

一統志登州府名宦下云：「劉興居高祖孫，齊悼惠王肥子，誅諸呂有功，封東牟侯，惠澤及於旁人，至今廟祀不絕。」
考史記漢書本紀年表，興居以高后六年四月丁酉封，孝文帝二年冬十月、始令列侯就國，春二月乙卯、立東牟侯興居爲濟北

牟平縣志

卷一 地理志

古蹟
古蹟

二十一

濟南山東印刷局承印
濟南山東印刷局承印

王，其明年秋、以反誅。是興居之侯於東牟僅三年，其奉就國之令至立爲濟北王，相距僅五月，其曾到國與否？皆不可知，安得有惠澤及人之事，歷二千年而思之不絕者乎？甚矣修志者之不讀史也。
顧炎武山東考古錄

又焦志於東牟侯祠下云：「土人多稱劉興居，蓋以通鑑所載，有興居而無濞，不知文帝時雖受封東牟，旋即遣濟北而王，實未嘗一到東牟也。且叛於濟北，身被顯戮，如此而祀之，非淫祀而何？以史書按之，蓋祀濞耳。濞侯東牟，七世膺襲，濞之子孫，歷東漢三國以來，忠孝節義，代有聞人，豈非祖德之遺哉！」

按焦氏所見，與顧氏略同，但欲廢劉興居之祀則可，而
以之改祀劉渫則不可。查劉渫係封牟平侯，未嘗侯東牟，侯
東牟者只有劉興居，興居縱不當祀，豈能以渫易之？此仍由
其地理不明，混東牟牟平爲一故也。

无染院 在崑崙大白峯之南麓。未詳創建何時，州志稱創建於漢
永康元年，係據无染院漢石刻文而言。查漢石刻文多可疑，不
足徵信，惟院中有唐光化四年碑，可知至近亦係唐時所建。

彌勒寺 在縣東南里許。焦志謂：「廟始於唐初、鄂國公尉遲敬
德奉勅創建，寺左偏有舍利寶塔十三級，亦鄂國公監造。」但
無碑文可據，明一統志謂：「宋熙寧間建」較確。明永康侯徐安

牟平縣志

卷一 地理志

古蹟
古蹟

二十二

濟南山東印刷局承印
濟南山東印刷局承印

命僧行豐募緣重修，成化間碑已泐。古有浮屠氏園爲名勝地，
今已改設縣立中學矣。

荆山寺 在縣西荆山之西麓。相傳爲唐貞觀五年建，年遠無徵，
州志則謂係金時古刹。中多古碑及名僧塔，林嵐幽邃，廟貌莊
嚴，昔以「荆巖古寺」列十景之一。

黃壘院 在縣東南北黃村。創建於唐開元初，宋建隆間重修，紹
聖四年又重修。

黃壘河北，去城一百餘里，在宋有黃壘村，極爲殷庶，天
聖中進士孫立，檢校太子賓客兼殿中侍御史孫實，皆其村人，
至今其村旁，猶多孫姓者，而本村衰落，數更他姓，改名北黃

。村側有一敗院，廟貌全頽，尚餘一石，刻三菩薩像，雕琢工細，古色闇然，階下石碑仍存，文雖殘缺，可以意讀，題云：「登州牟平縣黃壘院殿記。」言此地在宋爲東牟鄉，寺起於唐開元之際，主尼善寧重修羅漢殿，紹聖四年廣平宋端符記，端符不知何人？其列名有主簿馬煇，縣令楊姓，名則缺矣。鄉以東牟名者，寧之東境，本漢東牟縣地也。

採幼海風土辨証稿

顯異觀 在崑崙山北麓。

齊乘云：「宋政和六年、封仙姑虛妙真人，重和元年、賜號顯異觀。」

按州志金石考謂：「姑餘大仙碑在麻姑祠後，建於太平

牟平縣志

卷一 地理志

古蹟
古蹟

二二三

濟南山東印刷局承印
濟南山東印刷局承印

興國四年己卯。」又謂：「麻姑殿碑建於元豐間，至國朝始毀，康熙癸亥、周方山來遊猶見之，其遊記稱『碑載麻姑事甚詳』云云，今不可覓。」查今麻姑祠在姑餘山上嶽姑殿左側，祠後有麻姑塚、及太平興國四年翻修姑餘大仙殿碑，碑旁有空碑趺一，疑即元豐麻姑殿碑遺址，其西南峯有麻姑梳妝閣，是重和賜號之顯異觀，即太平興國與元豐間建修之麻姑殿，其觀址當在山上。（姑餘大仙碑迤東、某女冠墓上石幢，有「崑崙山顯異觀虛妙真人殿宇柱」字樣。）乃今姑餘山上，並無顯異觀名稱，而顯異觀乃在山下相距六里之南觀村西，其所祀者爲呂祖，不但地址可疑，名實亦不相符。惟查該觀

中有皇慶二年重修三門碑記，爲寧海州同知張穫撰、寧海州學正鞠孝恭書，記文內有一晚宿龍泉湯。去是莊南五里許，有顯異觀者，麻姑仙女別業也，宣和元年勅賜額牒，（齊乘作重和元年）重修於金崇慶元年，觀之側有田踰千畝，寬平如掌。一等句，似觀址原即在山下者。究竟顯異觀是一是二？有無遷移？俟考！

神清觀 在烟霞洞東北里許。觀即邱處機所云：「彭城先生首創」者。金泰和間元明相繼增修，洪武六年重修時，兵部郎中劉崧撰文，略曰：「昔金大定中、重陽祖師由西秦東來，講道闡玄，後長春真人邱處機即其地請額爲神清觀。」觀中亭舍幽敞，

牟平縣志

卷一 地理志

古蹟
古蹟

二十四

濟南山東印刷局承印
濟南山東印刷局承印

林泉環繞，銀杏枯槐，樹大數抱，皆金元間物也。

玄都觀 在縣南二里范園中。原係范懌花園，范與馬鈺友善，又嘗與王重陽會於此，遂施爲鈺庵。鈺歿，邱長春繼之，廣爲玄都觀，及長春應詔，奉旨改爲宮。迄今仍稱范園。

金蓮堂 在縣治東。薛大訓神仙通鑑曰：「金大定己丑，郡人周伯通捨宅爲金蓮堂，延王重陽及馬丹陽居焉。」明天順間，永康侯徐安率邑人重修，碑現存。清道光間，邑人常世淦重修。

玉虛觀 在縣東南百里聖水巖。金大定間，王玉陽修鍊於此，承安二年，勅牒賜額曰玉虛觀，崇慶二年，又勅賜牒曰玉真觀，（即萬壽宮）金貞祐二年重修，有碑。地多名勝，最奇者爲聖水

泉，在觀側，甘冽澄澈，玉陽真人所浚也。上有石刻「聖水崑」
「玉陽洞天」數字，均係玉陽親筆。泉側有洞，中坐石像一尊。
五峯庵 在崑崙山深處。前列五峯，竦插天末，金元間多隱者居
焉。寥公庵蔣公洞在其西，二公失考。

(丁) 遺塚

漢太尉劉寵墓 在縣北十里養馬島。墓碑爲蔡中郎書，今已失。
相傳上官抵邑，輒迂道觀碑，島人不勝繹騷，偷沈諸海。州志
稱「泅夫人水猶見之。」聞島中故老云：「曾有泅夫人水，見碑
旁有大魚夾守，懼不敢近。」豈鼎淪泗水，劍躍延津，神物故
不可得耶？迄今年久沙淤，恐愈不易尋覓矣。

牟平縣志

卷一 地理志

古蹟
古蹟

二十五

濟南山東印刷局承印
濟南山東印刷局承印

漢麻姑塚 在姑餘山。塚由地坎以石砌成，其中空無所有，塚後
壘石龕一座，高約一丈，中坐麻姑石像，龕門嵌以方石，中留
方孔，旁鐫文字，其可辨認者，有橫書「虛妙真人仙樓」六字，
兩旁有「文登縣雲光都三里正統五年二月旬興修」等字。

宋穎川長史于琛墓 在縣東五十里念上村，地名于家塚嵐。

宋光祿大夫侍御史于延紹墓 在于琛墓側。

宋御史孫實墓 在縣東南百二十里北黃村，地名蕩芥。

金朝列大夫晉開國男郝俊彥墓 在縣東北十里繫山。賜祭葬。

金聘授太子經劉吉墓

元六部尚書劉郁墓

按州志以縣東十五里，莒城東北，有劉氏古墓，疑即劉吉墓，又謂劉郁墓在吉墓側。查北莒城村東北，有劉氏新塋，塋中有古墓一所，新塋東北，相距不足百步，野田中又有孤立古墓一所，土人稱「忘墳」——古墓皆無碑記，且與普通墳墓無異，是否爲劉吉墓？或有無劉郁墓在側？皆不可考矣。

元昭武大將軍總管萬戶姜房墓 在縣東南一百二十里萬戶村。（舊名魯宋里）賜祭葬。

元元帥董友墓 在縣南里許快活嶺東南。賜祭葬。

元奉議大夫王淮墓 在快活嶺東南。賜祭葬。

元武略將軍孫琪墓 在縣東南一百十里湯上村。賜祭葬。

牟平縣志

卷一 地理志

古蹟
古蹟

二十六

濟南山東印刷局承印
濟南山東印刷局承印

元翰林院編修鞠孝恭墓 在縣北十里。賜祭葬。

明兵部尚書趙仁墓 在縣東北里許右坊村北。

明御史俞价墓 在縣西四十餘里廟後村東北。賜祭葬。

明按察副使常康墓 在縣西南四十里徐村。

明殉難吏目魏世達墓 在西關外大路北。

明孝子卜懷墓 在縣南護城河南岸。

明曲貞女墓 在縣東五里杏林鋪。

清工部尚書李永紹墓 在縣西二十五里溝頭店西埠。

清翰林院檢討孔尚先墓 在縣東北三里東牟郡西。

清翰林院庶吉士楊維喬墓 在縣西南三十五里冶頭村東官地。

建築

建築者改造自然地理之工程也。今之古蹟，多爲已往之建築，今之建築，未必即爲將來之古蹟；何者？古蹟須具有歷史性，往往廢墟遺址，其地或因人因事而傳，建築則專記工程，凡境內各大建築物，例得敘其始末，以覘一邑之形勢，雖亦沿革攸關，而其中有無特別歷史？可傳與否？尚未可概論也。茲於古蹟外，類舉普通建築如左：

(甲) 城池

今縣爲漢東牟縣故址，設城亦當自漢始，城圍一千六丈，高三丈五尺六寸，壕圍一千九十六丈五尺，闊七丈，深九尺，

牟平縣志

卷一 地理志

建築 城池
建築 城池

二十七

濟南山東印刷局承印
濟南山東印刷局承印

城門四：東曰建武、後改集慶，西曰奉恩，南曰順正，北曰鎮海。舊爲土城，明以前歷修失考，至洪武十年、指揮陳得始甃以磚；弘治初、海道副使趙鶴齡以城漸圯，乃令州衛兼修，知州孫裕修西南，指揮王鎮修東北，城乃復完；正德七年春、流賊劉七將陷萊陽，知州章諍復葺城浚池，遂保無虞；萬曆間、知州張以翔暨指揮胡來貢兼修；崇禎間、知州李鳴環重修；明季多故，久漸坍塌，北垣尤甚，康熙十一年、知州楊引祚補修北城；乾隆三十年、知州勒善迺撤磚爲石，石不及磚之堅牢也，故不足三十年，而壞者半；嘉慶十四年、知州胡道垠復請帑繕修，併捐廉以補不足，絲毫不擾民力，士庶德之；同治二年

、靈雨連綿，內外坍塌甚多，知州舒孔安倡捐重修；民國七年、邑紳常巖堂等募捐，並由縣知事鄒允中撥公益捐三千元，推紳董常次玉賀錫三監工補修。

(乙) 公署

縣政府 舊稱縣公署，在城中央，與南城門對。創建失考，元以後可考者：元憲宗元年、寧海州刺史姜思聰重建大堂；至元二十七年、達魯花赤不老赤、皇慶二年、同知張穫、明洪武三年、同知趙天秩、正德六年、知州章諍、先後重修譙樓；宣德六年、知州王純重修後堂；嘉靖二十六年、知州李光先建大堂左右翼室；清康熙初、知州鄭思魯重建儀門左右角門及祠閣；康

牟平縣志

卷一 地理志

建築 公署
建築 公署

二十八

濟南山東印刷局承印
濟南山東印刷局承印

熙十一年、知州楊引祚重修大堂；光緒二十二年、知州陳毓崧、建西院花廳；宣統二年、知州董鏞於西南院建囚犯習藝所十一間；民國紀元後、地方公議拆除大堂，建西院前南廳四間，十八年、重建縣長內宅；以上房數迭有增減，寄居支配，歷代亦各不同。

就現狀言之：臨街大門、以磚甃成甕洞，上為譙樓；大門內為儀門；儀門內為南北射直甬道；甬道左右，廂正共十八間，舊駐四班差役，現駐政警隊；甬道盡處，即為堂階，舊有大堂六間，為公開問案法庭，規模極其壯闊，年久失修，勢將傾圮，民國後拆除之；大堂左右、廂正共二十三間，舊設各房科

，現設徵收處；大堂後、連過道爲三大間，自大堂拆後，此即前堂，現已不在此問案；其左右現設庫房傳達室，並於西廡三間，設繕狀處；再後爲穿堂、連過道共五間、現設收發處，並於西廡二間設候審室；穿堂後爲後堂七間，舊稱敬簡堂，亦問案之處，現設法庭並禮堂等；最後爲內宅，廂正共十七間，舊係長官及侍從宿舍，現仍舊；後堂西院、舊稱花廳，廂正六間，現充二科辦公用；院南倒廳四間，現充承審處用；西南院廂正共十一間，原爲囚犯習藝所建，後駐承審員，現充一科辦公用；統計府內大小房舍，共一百三十二間。

監獄 在縣署西南偏。圍牆以內、有四方大屋一所，南北正房各四間、女監二間、磨房二間、看守室一間、獄神廟一間，除四方大屋外，計共十四間。

看守所 在縣署東南偏。有正房三間、充女犯所，東廂七間、西廂五間、計共十五間。

此外州志所載，舊有縣署前之表東海坊；大門外之旌善申明二亭；儀門內之訓辭坊，與儀門左右之土地祠（現已拆除）架庫閣；（後改爲財神廟三間、現存，）大堂東之同知署（現改駐民團）吏目署，（現有房廂正共八間，改充初小校舍，歸併縣立城內小學，）射圃；大堂西之判官署，南吏舍；後堂東西之庫樓、齋戒亭、清白亭等。又有布政分司在縣署

西，按察分司在縣署東，（詳書院）府公館在西門裏，醫學、陰陽學、均在縣署西街街北，僧正司附彌勒寺，道政司附朝元宮（即三清觀）及倉廩、惠民藥局、養濟院、普濟堂、育嬰院等。俱久廢。

第三科 自地方財政管理處、財務局、財政局、及裁局設科，均係借地辦公，無建築可紀，現暫借用常氏祠堂。

第四科 自勸業所、實業局、建設局、及裁局設科，地址屢遷，現在南門裏東街、舊關帝廟及龍王廟辦公。有北正房六間，東廂四間，中廳房六間，廳房前院、東西廂六間，南廳房五間，又染廠一間，計共二十八間。

牟平縣志

卷一 地理志

建築 公署
建築 公署

三十

濟南山東印刷局承印
濟南山東印刷局承印

第五科 自勸學所、視學所、教育局、及裁局設科，除教育局時期、以軍隊佔據學宮，曾借用民房辦公外，餘皆設於學宮內。

民國二十四年六月、繕修學宮工程會、（詳學宮）就原有明倫堂，加以修整，為正廳五間，其後方築牆設門，另闢一院，就學正齋舍遺址，改建正廳五間，東廂七間，西廂五間，計共二十二間。

民衆教育館 在學宮西院。初名通俗圖書館、民國三年創建，樓房上五間下七間、大門三間，十七年後、被軍隊佔居，二十年、改組教育館時、不得已租用民房，二十三年、軍退，二十四年六月、繕修學宮工程會重加修葺，樓式及間數依舊；復於館

西、就訓導齋舍舊址，改建北正房六間、南廳房五間、西廂五間，計共三十一間，統作教育館用。

公安局 自警察事務所、至改組公安局、先後皆駐縣署西三清觀內。就原有廟舍修葺，有房三進：第一進正房三間，第二進正房十間、東廂三間，第三進正房九間、東廂三間、西廂四間，計共三十二間。

民團隊 自警備隊、至改組民團隊、先後皆駐縣署東偏舊同知署。就原有署舍修葺，有房三進：第一進正房三間，第二進正房五間、西廂五間、又東正房三間，第三進正房七間，又西院北正房三間，南正房四間、西廂二間，西南院正房三間、東廂二

牟平縣志

卷一 地理志

建築 公署
建築 學校

三十一

濟南山東印刷局承印
濟南山東印刷局承印

間、馬棚三間，計大小房舍共四十間。

(丙) 學校 縣學制，舊爲學宮書院，今爲各學校，分述如左：

(一) 舊學宮書院

學宮 位於城東南隅。文廟在前，學署在後，爲先代舊址。金皇統元年、增築鼎新；元至順三年、知州李友直重修；明洪武三年、同知趙天秩、永樂十三年、知州周文鼎、正統三年、知州林元美、各重修；成化四年、知州姜連增修大成殿；十六年、知州鄧存德、弘治八年、知州陳賓、十六年、知州李津、復修；迨嘉靖戊戌、同知閻仲宇改其舊制，始創建先師殿於東，而學署居西，惜功未告竣，忽遷去，董役者因緣爲奸，至丙午歲

傾圮幾盡；巡察海道副使李易迺發公帑，命判官劉相、指揮使張柱、爲之增修，而張大其舊制，煥然一新；復增購民地，擴其規模，東西凡二十六丈，南北凡三十四丈七尺，又東北隅後，東西廣三丈三尺，南北袤四丈五尺，爲學正宅園；西北隅外，東西六丈，南北九丈七尺，爲訓導宅基；同知焦希程撰有記，並繪圖於志書，識廣輪尺丈之數，以防侵佔。

當丙午歲，副使李易功既告竣，有學宮前南鄰，指揮僉事李若璿，少爲庠彥，習舉子業，比嗣父職，猶喜讀書，聞堪輿家謂：「文廟前地忌狹隘，」乃捐其東西廣十一丈五尺、南北袤二十四丈五尺之園地以擴之，李易遂以禮褒獎焉。隆萬以來，

牟平縣志

卷一 地理志

建築 學校
建築 學校

三十二

濟南山東印刷局承印
濟南山東印刷局承印

知州馬汝平、蘇惟肖、張以翔、王以仁、天啓間周宇、崇禎間李鳴環、先後修整；清順治初、知州王之儀，因兵燹之餘，稍加整理，重修啓聖祠暨兩廡；康熙七年、學正蔣士萃捐俸重修明倫堂，遂率闔庠諸生募修兩戟門，暨名宦祠鄉賢祠；乾隆二年、知州周道璿復修；十九年、知州李湖重修大成門、東西兩廡、暨泮池；嘉慶二年、知州愛星阿修葺；道光十四年、大成殿椽桷坍塌，學正張宗光募修、邑紳常世淦捐貲督工，二載告竣；民國十三年、官紳集貲鉅萬，大加修整，聖殿易新琉璃瓦。此歷代建修之沿革大略也。

文廟正殿五間爲大成殿，

宋崇寧四平、詔文宣王殿以大成爲名，後歷代皆稱先師廟，清乾隆三十三年、定於大門增先師廟額，

正殿爲大成殿，殿後爲崇聖祠三間，原名啓聖祠，清雍正元年、改名崇聖祠。殿前爲東西兩廡

各九間，又前爲大成門，兩旁爲戟門，宋大觀中、廟門增二十四戟、故曰戟門。戟門兩旁

，西爲鄉賢祠，東爲名宦祠，清順治初年、定制、直省府州縣，建名宦鄉賢二祠於學宮內。又東爲忠孝祠

，清雍正二年、定制、直省府州縣，於學宮內建忠義孝弟祠。各三間，大成門前爲泮池，中有橋，前爲

櫺星門，又前爲照壁，兩旁爲東西鬢門，大街南爲「騰蛟」一起鳳一二坊，今圯，雲路左右爲「德配天地」「道冠古今」二坊。鬢門西爲學署大門，門內有號房二間，今圯，門右爲訓導宅，計正房六間，客舍六間，廚房二間，大門北爲儀門，內爲明倫堂，後爲敬一亭，久廢，又後爲學正宅，計正房三間，東西廂各五間。此學宮舊有之規模也。

牟平縣志

卷一 地理志

建築 學校
建築 學校

三十三

濟南山東印刷局承印
濟南山東印刷局承印

民國十四年後，迭被軍隊輪駐，最後駐劉珍年軍隊，戕伐松柏，毀棄神位，填塞泮池，拆廢學署，宮牆任意塗抹，宅舍淪爲荒園。二十四年六月、邑紳王采臣常輯五勇文卿王巽齋曲召棠等十五人，發起繕修學宮工程會，募捐重修，其工程約分三部：（一）將文廟先師暨四配神像，重新裝飾，其他神像已經毀壞，一皆易以木主，泮池橋路，門窗木器，整頓一新。（二）學署東院，舊爲學正署，現在修補大門，門內新建橫牆一道，中設儀門，將明倫堂翻修，改爲正廳，廳後另闢一院，就學正齋舍遺址，改建正廳東西廂等，劃作縣政府第五科用。（詳前第五科）（三）學署西院，舊爲訓導署，民國三年、改建通俗圖

書館，中經軍隊破壞，茲復重加修整，並於館西添築新房十六間，概劃作民衆教育館用。（詳前民衆教育館）此學宮新變之形式也。

又文廟前街南隙地，（即明指揮僉事李若璿所捐園地）前駐軍隊時，作操場用，經繕修學宮工程會重加修整，改充民衆體育場，（歸民衆教育館管理）於南半截鑿池植樹，又於西北隅築室三間。

學宮與隙地，重新勘丈，與州志所載長闊之數，小有出入，以新勘丈者爲憑，州志原有圖線，已不適用，茲附新圖線如左：


牟平縣志

卷一 地理志

三十四

濟南山東印刷局承印
濟南山東印刷局承印

學宮地址圖



學宮前隙地



附
文廟舊列神位表

一·大成殿

孔子正中南嚮顏子子思子殿東西嚮曾子孟子殿西東嚮閔子冉子雍端木子仲子卜子有子東序西嚮冉子耕宰子冉子求言子顓孫子朱子西序東嚮

孔子歷代諡號祀典表

孔子名丘字仲尼歷代皆諡而不名

孔子歷代諡號祀典表	
諡	號
祀	祀
典	典
周敬王四十二年 <small>即魯哀公十七年孔子卒哀公誅之曰尼父</small>	周敬王四十二年 <small>孔子卒立廟於舊宅</small>
漢元始元年 <small>諡褒成宣尼公</small>	漢高祖十二年 <small>過魯以太牢祀孔子</small>
後漢永元四年 <small>追封褒尊侯</small>	後漢永平二年 <small>詔國學祀周公孔子十五年東巡至魯祀仲尼及七十二弟子</small>
北魏太和十六年 <small>諡文聖尼父</small>	光和元年 <small>置鴻都門學畫先聖及七十二弟子像</small>
隋開皇初 <small>尊稱先師尼父</small>	梁天監四年 <small>建孔子廟詔立州郡學</small>
牟平縣志 卷一 地理志 建築 學校 建築 學校 二二五 濟南山東印刷局承印 濟南山東印刷局承印	
唐貞觀二年 <small>尊稱先師</small>	東魏興和三年 <small>兗州刺史李瑋始建聖像雕塑十子侍側</small>
開元二十七年 <small>追封文宣王</small>	隋開皇初 <small>定制州郡學以春秋仲月釋奠孔子</small>
乾封元年 <small>追封太師</small>	唐貞觀二年 <small>罷祀周公尊孔子為先聖四年詔州縣學皆立孔子廟二十一年初以先儒配享孔子</small>
宋大中祥符五年 <small>追封至聖文宣王</small>	咸亨元年 <small>詔州縣皆營孔子廟</small>
元大德十一年 <small>追封大成至聖文宣王</small>	開元八年 <small>初定十哲配祀孔子皆為坐像並特塑曾子像二十七年定制孔子南面坐十哲等東西列侍</small>
明嘉靖九年 <small>改稱至聖先師</small>	宋建隆元年 <small>國子監繪先聖先賢先儒像</small>
清順治二年 <small>追封大成至聖文宣王先師四年改稱至聖先師</small>	大中祥符四年 <small>詔州縣立孔子廟</small>
	咸淳三年 <small>帝詣太學行釋奠禮以顏淵曾參孔子孟子配</small>
	元延祐三年 <small>詔春秋釋奠孔子以顏子曾子子思子孟子配</small>

明洪武十四年	定文廟制罷塑像設木主至嘉靖九年復詔徹塑像易木主
成化九年	升大祀(以前中祀)至嘉靖九年復降中祀
清光緒三十二年	再升大祀
民國三年	大總統頒祀孔典禮
二十三年	通令以八月二十七日孔子誕辰定為國定紀念日
四配十二哲表	四配十哲明以前皆稱封爵嘉靖九年改稱某聖某子先賢某子清因之復增有子朱子二哲位

四	復聖顏子	名回字子淵魯人魏正始七年配祀唐貞觀二年稱先師元稱克國復聖公	宗聖曾子	名參字子輿魯人唐開元八年從祀宋咸淳三年配祀元稱鄒國宗聖公
配	述聖子思子	名伋字子思宋大觀二年從祀咸淳三年配祀元稱沂國述聖公	亞聖孟子	名軻字子輿一字子車鄒人宋元豐七年配祀元稱鄒國亞聖公
十	先賢閔子	名損字子騫魯人	先賢冉子	名耕字伯牛魯人

牟平縣志 卷一 地理志 建築 學校 三十一 濟南山東印刷局承印 濟南山東印刷局承印

二	先賢冉子	名雍字仲弓魯人	先賢宰子	名予字子我魯人
	先賢端木子	名賜字子貢衛人	先賢冉子	名求字子有魯人
	先賢仲子	名由字子路弁人一作卞人	先賢言子	名偃字子游吳人 以上俱唐開元八年從祀
哲	先賢卜子	名商字子夏魏人一作衛人唐貞觀二十一年從祀開元八年升哲位	先賢顓孫子	名師字子張陳人開元八年從祀宋咸淳三年升哲位
	先賢有子	名若字子若一字子有魯人開元八年從祀清乾隆三年升哲位	先賢朱子	名熹字元晦號晦翁宋婺源人淳祐元年從祀清康熙五十一年升哲位

一 兩廡 祀先賢先儒明以前皆稱封爵嘉靖九年改稱先賢某子先儒某子清稱先賢先儒不稱子東廡位皆西嚮西廡位皆東嚮

東廡先賢表 表內林放顏何縣宣明嘉靖九年均撤祀清雍正二年復周敦頤程顥邵雍明嘉靖九年稱先儒崇禎十五年改稱先賢

公孫僑	複姓字子產鄭公族清咸豐七年祀	林放	字子邱魯人	原憲	字子思魯人一作宋人
南宮适	複姓字子容魯人适一作韜一云即南宮敬叔	商瞿	字子木魯人	漆雕開	複姓字子開魯人一作字子若蔡人

牟平縣志

卷二

地理志

建築 學校
建築 學校

三十七

濟南山東印刷局承印
濟南山東印刷局承印

司馬耕

複姓字子牛宋人

梁鱸

鱸一作鯉字叔魚齊人

冉孺

孺一作儒字子魚魯人一作字子曾

伯虔

字子析虔一作處字子楷一作字子哲魯人

冉季

字子產一字子達魯人

漆雕徒父

字子有一作名從字子文一作字子友魯人

漆雕哆

哆一作侈字子斂魯人

公西赤

複姓字子華魯人

任不齊

字選一作字子選楚人

公良孺

複姓字子正魯人

公肩定

複姓字子中肩一作堅中一作仲魯人一作衛人

鄒單

字子家魯人鄒一作鄒

罕父黑

複姓字子索罕一作宰字子黑魯人

榮旂

旂一作祈又作祁字子祺一作字子祈魯人

左人郢

複姓字行一作子行魯人

鄭國

字子徒一作薛邦字子從魯人

原亢

字子籍亢一作杭又作元一作原桃魯人

廉潔

字庸潔一作絜字子曹衛人

叔仲會

複姓字子期一作仲叔噲魯人一作晉人

公西輿如

字子上一作公西輿魯人一作齊人

邾巽

巽一作選又作國選字子欽一作字子欽魯人

陳亢

字子亢一字子禽陳人

琴張

張一作牢字子開一作字子張衛人

步叔乘

複姓字子車齊人步一作少

秦非

字子之魯人

顏會

會一作噲字子聲魯人

顏何

字冉一作字稱魯人

縣亶

亶一作豐字子象魯人以上俱唐開元二十七年祀

牧皮

魯人清雍正二年祀

樂正克

孟子弟子周人清雍正二年祀

萬章

孟子弟子齊人雍正二年祀

周敦頤

字茂叔世稱濂溪先生宋道州人淳祐元年祀

程顥

字伯淳世稱明道先生宋河南人淳祐元年祀

邵雍

字堯夫諡康節宋范陽人淳祐三年祀

西廡先賢表

表內蘧瑗秦冉明嘉靖九年均撤祀清雍正二年復左邱明張載程頤明嘉靖九年稱先儒崇禎十五年改稱先賢

蘧瑗

字伯玉衛人

澹臺滅明

複姓字子羽魯人

宓不齊

字子賤魯人

公冶長

複姓字子長齊人一作魯人一作字子芝

公皙哀

複姓字季次齊人皙或作哲哀作克次作沉

高柴

字子羔一作子臯又作季高齊人一作衛人

樊須

字子遲魯人一作齊人

商澤

字子季一作子秀魯人

巫馬施

複姓字子期一作子旗魯人一作陳人

顏辛

辛一作幸字子柳魯人

曹卣

字子循蔡人

公孫龍

字子石龍一作寵衛人一作楚人

秦商

字子丕一作不茲一作丕慈魯人一作楚人

顏高

字子驕魯人高一作刻一作亥一作尅一作字子喬

壤駟赤

複姓字子徒一作子從秦人壤一作穰

石作蜀

複姓字子明一作石姓字子蜀
秦人石一作后

奚容蒧

複姓字子哲一作奚蒧字子化偕
魯人一作衛人

秦祖

字子南一作子男魯人一作秦人

燕伋

字思伋一作級字子思秦人一作魯人

孔忠

字子蔑忠一作弗孔子兄孟皮之子

施之常

字子恆一作子常魯人

秦冉

字子開魯人唐開元二十七年祀

公孫丑

孟子弟子齊人清雍正二年祀

東廡先儒表

表內鄭玄范寧明嘉靖九年改祀於鄉清雍正二年復

牟平縣志

卷一 地理志

建築 學校
建築 學校

三十八

濟南山東印刷局承印
濟南山東印刷局承印

公羊高

復姓子夏弟子齊人唐貞觀二十一年祀

孔安國

字子國孔子十一世孫漢人

鄭玄

字康成後漢北海高密人以上俱唐貞觀二十一年祀

韓愈

字退之唐南陽人宋元豐七年祀

楊時

字中立世稱龜山先生宋將樂人明弘治八年祀

胡安國

字康侯宋崇安人明正統二年祀

袁燮

字和叔宋鄞縣人清同治七年祀

何基

字子恭宋金華人清雍正二年祀

劉因

字夢吉元容城人清宣統三年祀

公夏首

複姓字乘首一作守字子乘魯人

顏祖

字襄祖一作相字子襄魯人

縣成

字子祺一作子期一作子橫魯人

樂欬

字子聲欬一作欣魯人

公西蒧

字子上一作子尚魯人蒧一作減

申枏

字子周魯人枏一作黨又作棠以上俱唐開元二十七年祀

公明儀

複姓魯人一作齊人清咸豐三年祀

張載

字子厚世稱橫渠先生宋淳祐元年祀

后處

字子里后一作石字里之齊人

句井疆

複姓字子疆一作字子野一作字子孟衛人

公祖句茲

複姓字子之魯人一作公祖茲

狄黑

字哲一作哲之衛人

顏之僕

字子叔一作字叔魯人

左邱明

複姓一云左姓魯人唐貞觀二十一年祀

公都子

複姓孟子弟子齊人清雍正二年祀

程頤

字正叔世稱伊川先生宋河南人淳祐元年祀

伏勝

字子賤漢濟南人唐貞觀二十一年祀

毛萇

漢趙人亭子

諸葛亮

複姓字孔明後漢琅邪陽都人清雍正二年祀

胡瑗

字翼之世稱安定先生宋海陵人明嘉靖九年祀

謝良佐

字顯道宋上蔡人清道光二十九年祀

李侗

字愿中世稱延平先生宋劍浦人清嘉慶六年祀

黃幹

字直卿號勉齋宋閩縣人清雍正二年祀

文天祥

字宋瑞號文山宋吉水人清道光二十三年祀

陳澹

字可久號雲莊元都昌人清雍正二年祀

毛亨

漢趙人清同治二年祀

杜子春

後漢河南緱氏

王通

字仲淹隋龍門人明嘉靖九年祀

韓琦

字樞圭宋相州人清咸豐二年祀

尹焞

字彥明一字德充宋洛陽人清雍正二年祀

呂祖謙

字伯恭世稱東萊先生宋金華人景定二年祀

輔廣

字漢卿宋趙州人清光緒五年祀

王柏

字會之宋金華人清雍正二年祀

方孝孺

字希直明台州寧海人清同治二年祀

薛瑄 字德溫世稱敬軒先生明河津人隆慶五年祀

胡居仁 字叔心世稱敬齋先生明餘千人萬曆十二年祀

羅欽順 字允升世稱整庵先生明泰和人清雍正二年祀

呂枏 字仲木明高陵人清同治二年祀

劉宗周 字起東世稱念臺先生明山陰人清道光二年祀

孫奇峯 字啓泰世稱夏峯先生清容成人道光八年祀

黃宗羲 字太冲世稱梨洲先生清餘姚人光緒三十四年祀

張履祥 字考夫清桐鄉人同治九年祀

陸隴其 字稼書清平湖人雍正二年祀

張伯行 字孝先清儀封人光緒二年祀

湯斌 字孔伯清睢州人道光三年祀

顏元 字習齋清博野人民國八年祀

西廡先儒表 表內吳澄九年罷祀清乾隆二年復

穀梁赤 複姓字元始子夏弟子魯人唐貞觀二十一年祀

高堂生 複姓字伯漢博士魯人唐貞觀二十一年祀

董仲舒 漢廣川人元至順元年祀

劉德 漢河間王清光緒二年祀

后蒼 字近君漢東海郟人明嘉靖九年祀

許慎 字叔重後漢汝南召陵人清光緒元年祀

趙岐 字邠卿後漢京兆長陵人清宣統二年祀

范寧 字武子晉鄆陵人一作順陽人唐貞觀二十一年祀

陸贄 字敬輿唐嘉興人清道光六年祀

范仲淹 字希文宋邠州人後徙吳縣清康熙五十三年祀

歐陽修 複姓字永叔宋廬陵人明嘉靖九年祀

司馬光 複姓字君實宋夏縣人咸淳三年祀

牟平縣志

卷一 地理志

建築 學校 建築 學校

三十九

濟南山東印刷局承印 濟南山東印刷局承印

游酢 字定夫宋建陽人清光緒十八年祀

呂大臨 字與叔宋汲郡人清光緒二十一年祀

羅從彥 字仲素號豫章宋延平人明隆慶六年祀

李綱 字伯紀宋邵武人清咸豐元年祀

張栻 字敬夫世稱南軒先生宋緜竹人明景泰二年祀

陸九淵 字子靜世稱象山先生宋金谿人明嘉靖九年祀

陳淳 字安卿宋漳州龍溪人清雍正二年祀

真德秀 字希元世稱西山先生宋蒲城人明正統二年祀

蔡沈 字仲默世稱九峯先生宋建陽人明正統二年祀

魏了翁 字華父世稱鶴山先生宋蒲江人清雍正二年祀

趙復 字仁復世稱江漢先生元德安人清雍正二年祀

金履祥 安吉父世稱仁山先生元蘭溪人清雍正二年祀

陸秀夫 字君實宋鹽城人清咸豐九年祀

許衡 字平仲世稱魯齋先生元河內人皇慶二年祀

吳澄 字幼清世稱草廬先生元崇仁人明正統八年祀

許謙 字益之世稱白雲先生元金華人清雍正二年祀

曹端 字正夫明渾池人清咸豐十年祀

陳獻章 字公輔世稱白沙先生明新會人萬曆十二年祀

蔡清 字介夫明晉江人清雍正二年祀

王守仁 字伯安世稱陽明先生明餘姚人萬曆十二年祀

呂坤 字叔簡世稱新吾先生明寧陵人清道光六年祀

黃道周 字幼平明漳浦人清道光五年祀

王夫之 字而農世稱船山先生清衡陽人光緒三十四年祀

陸世儀 字道威清太倉人同治十三年祀

顧炎武 字寧人世稱亭林先生清崑山人光緒三十四年祀

李塿 字剛主清蠡縣人民國八年祀

一·崇聖祠

原名啓聖祠宋大中祥符元年封孔子父爲齊國公。口曆八年詔於聖殿後立廟奉安元至順元年加封爲啓聖王明嘉靖時去封爵令天下學宮皆立啓聖祠祀叔梁公清因之至雍正元年追封五代皆王爵合祀於祠遂更名爲崇聖祠乾隆五年令祠內並建兩廡祀先儒

正殿 <small>肇聖正中裕聖詒聖言聖啓聖依次左右列皆南嚮</small>	配享先賢 <small>孔顏孔殿東西嚮曾孟殿西東嚮</small>	從祀先儒 <small>周程蔡東廡西嚮張朱西廡東嚮</small>
肇聖王木金父	孔氏 <small>名孟皮字伯尼孔子兄清成豐七年配</small>	周氏 <small>名輔成宋周敦頤父明萬曆二年祀</small>
裕聖王祈父	顏氏 <small>名無繇字路一作名由字季路顏子父</small>	程氏 <small>名珦字伯溫宋程顥程頤父</small>
詒聖王防叔	曾氏 <small>名點字皙一作字子皙曾子父</small>	蔡氏 <small>名元定字季通宋蔡沈父以上皆明嘉靖九年祀</small>
昌聖王伯夏	孔氏 <small>名鯉字子魚子思父</small>	張氏 <small>名迪宋張載父清雍正元年祀</small>
啓聖王叔梁紇	孟孫氏 <small>名激字公宜孟子父以上皆明嘉靖九年配</small>	朱氏 <small>名松字喬年宋朱熹父明嘉靖九年祀</small>

查民國十七年二月、大學院通令，廢止祀孔舊典，同年九月、通令保護孔廟及利用廟址之責權，歸教育局；十八年

牟平縣志

卷一 地理志

建築 學校 建築 學校

四十

濟南山東印刷局承印 濟南山東印刷局承印

十月、通令將大成殿改爲孔子廟，於孔子位兩旁，設立長龕、所有四配十二哲先賢先儒各位，依次排列。

此外學宮內附設各祠：

名宦祠 祀明知州林元美汪逢淵吏目魏世達清知州劉文淇。

鄉賢祠 祀後漢劉寵明趙仁俞价常康王日新清李初妍楊維喬

李挺生曲聖凝。

忠義孝弟祠 祀明姜瑜黃柱張國儁董國柱王俊王櫝宮應蛟宮

若峒賀繩前賀永齡王在鎬王青卜懷于乾傅大亨曲諧王棟清

曲復一蘇欲初蘇建乾。

右據州志開列，嗣後入祠之典未再舉行。現俱廢祀。

書院 有新舊書院二：

舊書院在縣署前東南小街路北。清乾隆五年、知州周道濬創修，二十三年、知州李湖重修，後改爲遺愛祠。有田一千數百畝，坐落斗埠村，每歲納租於官，以作束金膏火之費。查此項學田，係邑紳曲聖凝所捐施，縣署有案可稽，清末廢科舉、改學制，此田遂移歸勸學所管轄，充作經費，民初清丈，實有熟田二千零三十八畝八分二厘，又荒田一百七十九畝三分七厘，二十四年、經勸文學田委員會重行勘丈，實有田荒熟共三千零七十七畝八分七厘零八絲。

新書院在縣署東，即明按察分司舊址。清道光元年、知州

牟平縣志

卷一 地理志

建築 學校

四十一

濟南山東印刷局承印
濟南山東印刷局承印

吳承端創修，工未及半而去，道光二十六年、知州博文復勸捐踵修，邑紳常世淦常文遴捐貲督工，於次年告竣。計大門三間，龍門三間，東西考棚各十間，講堂三間，兩旁耳屋各一間，內廳五間，東西廂各三間，後院廚房四間、馬棚三間、小屋一間，講堂西、箭廳三間。大門外、闊三丈五尺，二門外丈一尺以南，闊四丈，二門內闊十丈二尺，講堂北闊九丈七尺，內廳後北牆，東西闊八丈七尺，南北通長、南至牆、北至牆、四十八丈五尺，以上丈量，俱除院牆基核算，北牆外餘地，東西闊九丈五尺，南北長一丈一尺。清末學制維新，改爲縣立兩等小學，民國三年、縣知事鄒允中撥款，督同小學校長常瑤基在後

院及牆外餘地，起築大樓七間，並修整東西考棚，分設教室，擴為完全多級小學，師範講習所亦附設其中。

此外有社學五所：一在東關大街南，一在西關大街南，一在南月城，一在珠塔村，一在澤上村，明成化四年、知州姜連創設，俱久廢。又有社田一百五十一畝三分二厘，亦無考。

(二) 新學校

縣立中學 民國十九年、就東關彌勒寺舊址，加以修葺，創設鄉村師範，翌年、復改為初級中學，校舍不敷應用，邑紳張顏山慨捐國幣萬四千元，添築房宇六十四間。內設教室五、共二十

牟平縣志

卷一 地理志

建築 學校
建築 學校

四十二

濟南山東印刷局承印
濟南山東印刷局承印

間，教員室共二十間，職員室共十一間，學生宿舍共五十六間，學生自治會四間，禮堂五間，辦公室三間，圖書室三間，理化儀器室三間，遊藝室三間，儲藏室二間，成績室一間，飯廳八間，廚房六間，接待室三間，傳達室二間，計共校舍一百五十間，連體育場共佔地面二十二畝。

縣立小學 計共十處：曰城內小學、係就書院舊址改建，又添築大樓七間；曰午極小學、曰城陰小學、曰馮家小學、均係就地籌款，或購地自築，或價買民居；曰崖子小學、係借用民房，不支租息；曰午台小學、係就原有廟房改建；曰酒館小學、亦係就原有廟房改建，近更加築教室六間；曰瑞泉小學、以停廢

之私立中學所遺樓房平房共六十餘間、改組而成；曰水道小學、曰冶頭小學、則皆暫用廟房（以上俱完全小學）

公立小學 計共五十六處：校舍以東關武寧澤上各小學爲完善，河東上莊兩校，工程尤大，松泉范園大寺各校，就廟殿改造，規模亦頗宏壯。（以上亦完全小學）

（丁） 壇廟

壇

社稷壇 在城壕外西北隅。明洪武三年、同知趙天秩建，成化二年、知州姜連增修，弘治七年、知州陳賓重修，清末傾圮，初歸縣農會作苗圃，後移建設局管理。

牟平縣志

卷一 地理志

建築 壇廟
建築 壇廟

四十三

濟南山東印刷局承印
濟南山東印刷局承印

先農壇 在東關外。廢。

風雲雷雨山川壇 在城南里許。明洪武三年、同知趙天秩建，成化二年、知州姜連、弘治七年、知州陳賓、清嘉慶三年、知州愛星阿、各重修。清末亦圮，其地已於民初經官拍賣大半，今尚存壇址一畝有餘，初歸縣農會管理，後移建設局。

厲壇 在城東北五里許。明洪武八年、知州李善慶建，成化二年、知州姜連、弘治七年、知州陳賓、各重修，萬曆四年、知州蘇惟肖、始移於城壕畔；又鄉厲壇八十一處，明洪武八年、知州李善慶創建。俱久廢。

廟

孔廟 (詳學校)

關廟 在城南門裏東街。清康熙七年、知州成永健創修、祠北向，大門三間、正殿三間、啓聖殿三間、東西廂各三間。咸豐二年、遞加封號，四年、升入中祠，五年、追王三代，民初又添奉岳忠武神位，改爲關岳合祠。後於其地設職業學校，十七年後、駐軍隊，今設第四科。

文昌閣 在學宮東南方城上。明崇禎間、學正劉承業建，清康熙二十五年、知州廖瑛重建，民十八之亂，劉軍拆除石階，楹柱亦有摧折，二十四年六月、繕修學宮工程會補修。

奎星樓 在文昌閣南。清康熙初、學正蔣士萃重建，民國十八年

牟平縣志

卷一 地理志

建築 壇廟
建築 壇廟

四十四

濟南山東印刷局承印
濟南山東印刷局承印

、劉珍年據城作戰，完全拆除，二十四年六月、繕修學宮工程會重建。

城隍廟 在縣署西北。明洪武二年、同知趙天秩建，永樂四年、知州陳希顏、天順五年、知州李禧、成化八年、同知成禮、各重修，清道光十三年、知州殷家謨募修，邑紳常世淦捐貲督工，土木塑繪，粲然更新，民國後、被軍隊佔居。

東嶽廟 在東關。明萬曆間建。存。

馬神廟 在城內馬神廟巷北頭。存。

旗纛廟 在西關外校場內。廢。

火神廟 在城南門月城內。存。

真武廟 在北門城上。明弘治間、指揮王鎮建。存。
八蜡祠 原在西城門北隅，又移於山川壇東，後附祀於劉猛將軍廟。廢。

劉猛將軍廟 在縣署東。清嘉慶初建。廢。

海神廟 在城北鶴止寨後。建於金元前，至大四年、重修。存。

龍神廟 在崑崙山九龍池側。存。

天后宮 在城北十里。元至元四年建，至大四年重修。存。

土地祠 原在大堂左，明嘉靖間、知州李光先移儀門左。廢。

獄神祠 在監獄內。存。

財神廟 在縣署儀門右。存。

牟平縣志

卷一 地理志

建築 壇廟
建築 壇廟

四十五

濟南山東印刷局承印
濟南山東印刷局承印

東牟侯祠 祀東牟侯劉興居。（詳古蹟）

遺愛祠 在城內曹家巷。祀同知龔大良知州周道濬李湖胡道垠。

民初、改設女子小學，十八年、駐兵，二十一年、改設區公所，現又駐兵。先是城西三里茶棚、有三公祠，清乾隆間建，祀龔大良周道濬李湖，後祠圯，道光間、移祀木主於二郎廟之接官廳，胡道垠附焉，後又移至城內、名遺愛祠，僧王祠即在其左。現俱存。

節孝祠 在縣署前東南小街路北。有屋三間，現設電話事務所，又添築四間。

右列壇廟、無論存廢，以向例在祀典者為限，州志關於

廟祀，多錄會典，未免辭費，茲附錄各壇廟祀日，而盡刪全國通典之禮節，蓋惟祀日爲有司所有事，或不盡同他縣也。其祀日如下：先師春秋仲月上丁日，關帝春秋二仲上戊日，及五月十三日，社稷壇春秋仲月上戊日，先農壇仲春亥日，風雲雷雨山川壇春秋仲月諏吉日，厲壇清明日七月望十月朔，以城隍爲祭主，城隍專祭、與風雲雷雨山川同壇、祭日亦同，文昌二月三日、咸豐六年、更增春秋二祭，奎星文廟丁祭後、教官致祭，真武春秋致祭，馬神春秋仲月甲戌庚日，旗纛霜降日祭於教場，火神六月二十三日，東嶽春秋仲月上戊日，土地春秋仲月上戊日，八蜡春秋仲月上戊日，劉猛將

牟平縣志

卷一 地理志

建築 壇廟
建築 壇廟

四十六

濟南山東印刷局承印
濟南山東印刷局承印

軍臘八日，財神七月二十二日，海神天后宮春秋致祭，名宦祠、鄉賢祠、均於春秋文廟丁祭畢、遣官分獻，節孝祠春秋仲月上戊日，龍神獄神東牟侯遺愛各祠，祭日未詳。現俱廢祀。

此外不在祀典之寺觀，公私建築甚多，如无染院彌勒寺荆山寺黃壘院顯異觀神清觀玄都觀金蓮堂玉虛觀五峯庵等，已詳見古蹟中，其他書不勝書，姑就較著者略舉之：

雙鳳寺 在縣東北三里東牟郡。即牟臺與東牟侯祠（各詳古蹟）所在地。

壽聖院 俗稱黃山寺，在縣南百有十里黃山後麓。林嵐幽邃，引

人入勝。

嶽姑殿 在縣東南四十里姑餘山巔。姑餘山本由麻姑得名，宋建麻姑殿於上；（詳古蹟顯異觀）今俗稱其山曰嶽姑頂，山巔建廟曰嶽姑殿，祀碧霞元君，雖麻姑祠亦附於側，瞻拜者知有嶽姑，不知有麻姑矣。

太極宮 俗稱歸山庵，在縣南三十里歸山前。山水明秀，昔人多在此讀書。

松泉觀 俗稱松嵐廟，在縣東四十里龍泉湯西岡。殿宇幽廠；現設小學。

竹林寺 在縣西偏北四十五里竹林山。林泉映帶，風景絕佳。

牟平縣志

卷一 地理志

建築 壇廟
建築 壇廟

四十七

濟南山東印刷局承印
濟南山東印刷局承印

右皆以名勝風景著稱，惟創建年代，多已失考。

玉泉寺 在六區上楊家東南二里許。相傳晉永和九年建。

三清宮 在七區正甲芥西二里許皇庵山前。相傳太和元年建。考

魏晉北魏唐，皆有太和年號，如果太和年建，至晚亦係唐廟。

四础院 在七區台上村西。相傳唐建。現設小學。

黃梁寺 俗稱金溪院，在六區地口村南二里許。相傳唐建。正殿

高四丈餘，額曰大雄寶殿，盛時寺僧達百餘人，今則寺僧寥落，院宇荒涼矣。

洪福寺 在四區上莊村西河北岸。相傳唐貞觀間建。

雲峰寺 在二區北辛峪。相傳唐建。

興佛寺 在三區初家村西半里。相傳唐建。

右皆以年久著稱，雖無原碑可據，而以无染院唐碑及黃壘院碑文（詳古蹟與金石）證之，可知本縣古廟，多建於唐以前，父老所傳，非盡誣也。

歸化院 在八區北西屋村。有宋乾德七年碑，文多漫滅不可讀，惟首行「大宋登州牟平縣歸化鄉鐵山里」字樣，尚可辨認。

最勝禪院 俗稱嶼山院，在七區邱家村東北二里許嶼山。建於趙宋初葉。有石碣二：一述廟之創建，一勒其長老和尚灰骨舍利真幢銘，字跡多不可辨。

崇福寺 一名叢林院，俗稱玉林院，在八區玉林鎮北四里許。未

牟平縣志

卷一 地理志

建築 壇廟
建築 壇廟

四十八

濟南山東印刷局承印
濟南山東印刷局承印

詳建自何時，有宋咸平元年大德塔幢記。（詳金石）

海雲院 俗稱中莊院，在七區中莊村西三里許。有宋碑一，額曰「勅建海雲之院」，碑文中有「宋大中祥符五年壬子十一月十七日立」字樣可辨。現以其廟產分設澤上中莊小學各一處。

梵雲院 俗稱鳳山寺，在九區坦埠村北鄒家村西鳳山；五代梁乾化二年建，宋太平興國八年賜額。（詳文獻志金石梵雲院碑文）有宋碑一，字多漫滅；額曰「勅賜梵雲之院」，碑面首行題「大宋登州牟平縣東牟鄉鳳山梵雲」碑，「末行有「天聖五年

」字樣，想係天聖五年重修所立。現已提產辦學。

清泉寺 俗稱大寺，在城裏縣署西南。金元前建。現設小學。

朝元宮 今名三清觀，在城裏縣署西。金大定五年重修，碑尚存，鄉貢進士王庭丙撰文。

石巖寺 俗稱龍洞寺，在縣南百有十里龍洞山北麓。金元間重修。現設小學。

龍泉寺 在四區南峴村西三里。金大定三年奉勅牒賜廟額，即州志所謂龍門院。（原名龍門院，勅賜龍泉寺。）

杏山寺 在九區崔家口西南約四里許。碑字不辨，惟古塔三座，係金時建。廟宇因被火焚，久圯。

定國講院 在二區林家溝頭西南繁山，金大定間勅賜額也。元至正三年重修有碑，邑人鞠孝恭撰文。

牟平縣志

卷一 地理志

建築 壇廟
建築 壇廟

四十九

濟南山東印刷局承印
濟南山東印刷局承印

青龍庵 在六區鄒里村東北。金元間建。現設小學。

福勝寺 在六區崗頭村附近。元至元間建。

大聖寺 在六區觀水鎮。元元貞元年建。

埠嶺觀 在四區埠嶺觀村西首。元大德元年建。

延壽開國寺 在縣東舊南峴社。府志云：「皇慶二年建。」

右宋金元古廟，或創建，或重修，各有碑記，惟字跡多泐。又州志所載先天觀在城東南二里，三教堂在郡城之北，亦皆金時古蹟，其遺址久已失考。

垂玉庵 在七區大虎欄西山。明成化間建。

法華寺 在縣南十里。爲明邑人宮佩別業，弘治間捨爲寺。

草場庵 在歸山西北麓。爲明邑人宮應蛟別業，萬曆間捨爲庵。
普照寺 在一區南呂革莊。明萬曆間建。

廣和寺 在四區杜家疇西北半里。清康熙間建。現設小學。

金龍祠 在縣南八里金龍山。清乾隆二年建。道光間、改稱靈雨
觀；有碑，爲邑人宮卜萬撰書。

靈光院 俗稱寄骨寺，在城北門外西北隅。現設小學。

太平觀 在九區坦埠鄆家兩村北。由住持創設同化小學。

香崑院 俗稱執爐寺，在九區簸箕掌西北執爐山東麓。

瑞泉院 在十區徐家北寺山上。現設小學。

留僧院 在二區自革莊。現設小學及民衆教育館第二實驗區。

牟平縣志

卷一 地理志

建築 壇廟
壇廟

五十

濟南山東印刷局承印
濟南山東印刷局承印

三歸院 在一區大窯村。現設小學。

廬山院 在一區大窯村東五里廬山。

望杆寺 在二區望杆墩村。

神通廟 一名神清宮，在八區神通廟村。

松山殿 在六區遼上村東里許。

龍碕庵 在烟霞洞南三里。

廣濟院 在崑崙山南麓。道光間、邑人宮卜萬設館於此。

右明清及失考各廟，遠近林立，所舉不過十分之一，其

他多不勝數；尤多者爲關帝廟、觀音廟、三官廟、三元宮

等，其建築工程大小不同，要皆足爲迷信之證。現已多半改

設學校，或充各會所用，年久廟祀將自廢也。

(戊) 軍壘

寧海衛 與寧海州同城。明洪武十年置，清順治十六年裁廢。

寧福營 清康熙十九年置，都司署在縣署西大街路北，（即廢衛舊署）城汛千總署在大寺巷西首路南，校場（亦稱演武廳）原在城東南里許，後移西關外，佔地約近百畝，牧馬場在崑崙山中。民初裁廢，概歸官產拍賣有案，惟校場尚有遺址十餘畝，撥歸縣農會作苗圃，現移第四科管理，馬場地數十畝，原歸縣農會，現亦價賣於造林會社。

金山備禦千戶所 在城東北四十里，屬寧海衛左所。原有磚城，

牟平縣志

卷一 地理志

建築 軍壘
建築 橋梁

五十一

濟南山東印刷局承印
濟南山東印刷局承印

周二里、高二丈三尺、闊五尺，門二：東曰寧波、南曰迎恩。久廢。

清泉寨備禦百戶所 在城西北四十里，屬寧海衛後所。原有石城。久廢。

沿海墩堡 據府志云：一舊寧海衛墩堡十二，金山所墩五堡二，清泉寨墩二。今城南沿海，惟小龍草島黑虎峯山蜂窩浪煖大灣白沙萬家港東城子十一處；城北沿海，惟清泉石溝草埠馬山貉子駱駝戲山石峴小鳳侯至山金山安瀾廟後小峯太平十五處。一俱久廢。

(己) 橋梁

本縣河流雖多，所架橋梁，類皆冬修夏拆，固定者甚少。茲據採訪所得，現有固定之橋梁如左：

通仙橋 在城東門外護城河。原係人民自建，圯後重修，近由建設局加寬修整。

瞻恩橋 在城西門外護城河。明洪武十年建，嘉靖及清康熙同治間各重修，近由建設局加寬修整。

來薰橋 在城南門外護城河。清同治光緒間各重修，近由建設局加寬修整。

玄武橋 在城北門外護城河。舊為虹式磚橋，後改平面石橋，清末、城區董事會重修，近由建設局加寬修整。

牟平縣志

卷一 地理志

建築 橋梁
建築 橋梁

五十二

濟南山東印刷局承印
濟南山東印刷局承印

牟夏路橋 在城西門外護城河。舊有小石橋通西關南頭，近由建設局加寬修整。

牟黃路橋 在城東門外護城河。建設局建。

牛心橋 在城西北隅，護城河由橋下西北流。舊有石橋，民國十八年、為劉珍年拆毀，近由建設局重修。

七里店橋 在城西七里魚鳥河。建設局建。

泥溝河橋 在城東南百里泥溝村南黃壘河。民國二十年，建設局建。

崖後西橋 在城西南百二十里崖後村西崖後河。建設局建。

孫家灘橋 在城西三十里孫家灘南河。建設局建。現被水冲塌，

正議重修。

浪蕩河橋 在城西三十里于家灘東浪蕩河。邑人周善士募修。

塚芥橋 在城西北五十里七芥村南塚芥溝。旅烟紳商募修。

松石橋 在城東南四十里，原橋久圯，民國二十四年、邑人黃至善重修。

右除泥溝河橋係木橋外，餘俱係石橋。又州志列有沁水橋五丈河橋道亭河橋，查沁水橋在城東四里，亦係冬修夏拆之橋；五丈河橋在城西約九里，河涸、石橋已與地平；道亭河橋疑即塚河橋，在城西南百里餘，向極壯觀，後經大水冲塌，現正議修而未果也。

牟平縣志

卷一 地理志

建築 橋梁
建築 倉廩

五十二

濟南山東印刷局承印
濟南山東印刷局承印

(庚) 倉廩

明洪武三年、命州縣設預備倉，以賑凶荒。本縣預備倉，舊有城內宣化坊、及杏林杜雙林社玉林社千金社五所，弘治間、知州陳賓猶修舉焉，至嘉靖後、五倉俱廢。又有常豐倉，在縣署東，金山軍儲倉、在金山所，各設大使攢典等主其事，俱久裁廢。

清初、常平倉設縣署西北，原有倉廩百間，同治時尚存八廩：曰盈豐廩煎廩後大廩永豐廩大有廩萬有廩常有廩廣有廩，共三十八間，額存倉穀三萬九千石；社倉在同治時，尚有牟山社上現社漢村社崗山社善山社龍門社莒城社龍泉社南黃社辛峪

社山前社十一處，共額存穀五百石、糝八百三十三石七斗一升、黃豆三十三石五升。至光緒末、倉穀變價，所有常平倉社倉均作廢。民國二十二年、省令各縣建倉積穀，本縣倉穀，按田賦每兩帶徵銀元二角五分，刻已徵齊；倉廩正在籌辦中。

(辛) 會所

縣商會 民國十七年、就原買北門裏民房，以會中公積八千元，由會長王乃繹副會長楊鴻堦督工、起築正樓房五間，東廂樓房三間，西廂房三間，外院照壁一，兩旁北為儲存室，南為廁所，大門東向。

紅卍字會 創設於民國十六年，原係借用民房開辦，十九年、在

牟平縣志

卷一 地理志

建築 會所
建築 會所

五十四

濟南山東印刷局承印
濟南山東印刷局承印

西門裏常家巷購得會址一處，面積一畝六分，二十年春、就原有舊屋修葺增建，計正房三層，廂房四座，與倉庫共四十間，逾二年、復於後層中層、加築樓正房十四間，樓廂房六間，仁濟醫院即附於會舍前層。


卹養院 在城東里許，為紅卍字會所建築。基址十八畝半，建築設計，分三期完成。第一期自民國二十二年春興工，至冬初落成，計樓房百二十間、平房二十五間，大門為平房九間，前院之中，拓為橢圓形之廣場，叢植花木，場之中間，留作將來為大慈善家鑄造銅像之地，廣場後東西有亭二，一為鐫刻捐助基金姓名紀念碑，一為鐘亭，稍後建方樓一座，共三十六間，上

爲禮堂，可容五百餘人，下分客廳、故去董事祀室、及董事院長與各科辦公室，檐前有額，題「老安少懷」四字，屋頂露臺前檐，高樹旗幟，後置鐘亭，此爲全院之主房。院之東南，爲平房三間，作浴室，其北接建樓廂十二間，爲兒童圖書室，又接建平房五間，爲廚房，再北樓廂十間，暫作教室，院之西南，平房一處，爲倉庫與車房，其北接建樓廂十二間，上爲學校成績展覽室，下爲工廠出品陳列室，又北平房五間暫作職員室，再北樓房十間，另設界牆，內爲育嬰部，牆外設雲板一面，男女職員至此爲界，遇有傳達時，擊雲板爲號，院內除供育嬰分配外，又附設養病室。上述前院之房，乃東西相對，左右整齊

，其後則東西射直，共建樓房四十間，中分爲二：東部上下二十間，分設男孤寢室、餐室、盥室，西部上下二十間，亦屬育嬰部之內。此現在配置之大概也。


院中慈業，凡分六部：一育嬰、二孤兒、三卹嫠、四卹產、五殘廢、六老羸、因利局亦附焉。其救濟區域，以魯東爲範圍，故建設宏深，以廣容納之量。現已舉辦者，爲育嬰孤兒卹嫠卹產四部，至殘廢老羸兩部，尚待第二期建築完成。

建築影片一





建築影片二



建築影片三

公安局 (即三觀廟址)




建築影片四

（著書導訓印）館育教衆民



建築影片五

縣立中學 (即彌勒寺舊址)




建築影片六

建築影片七



縣立城內小學 (即平書院舊址)

縣立千極小學



建築影片八

縣立酒館小學




建築影片九


縣立瑞泉小學(即青山瑞泉中學舊校)



建築影片十




建築影片十一



建築影片十二

(建會分子世紅) 院養邨



建築影片十三

